

CPCD protokol br: 541/2017.godine

Sarajevo, 29.07.2017.godine

### **Konkurentski zahtjev za dostavljanje ponuda br. US 003/17-006**

Predmet	Ekspertske usluge za izradu programske akreditacije
Ugovarač	Centar za promociju civilnog društva/CPCD
Lokacija isporuke	Gradačka bb, Sarajevo
Kontakt osoba	Aleksandra Crnogorac
Kontakt informacije	aleksandra.crnogorac@cpcd.ba
Trajanje projektnog zadatka	Od 15.09.2017. do zvaničnog odobranja realizacije postupka programske akreditacije kod nadležnog Ministarstva a kojim se potvrđuje ispunjenje uslova za izvođenje neformalnog programa obrazovanja odraslih.
Datum objave zahtjeva za ponudu	29.07.2017.
Trajanje poziva za dostavljanje ponuda	30 dana
Krajnji rok za dostavljanje ponuda	28.08.2017. godine do 12:00h

#### **Pozadina:**

Centar za promociju civilnog društva (CPCD) učestvuje u petogodišnjem projektu održivosti civilnog društva u Bosni i Hercegovini (CSSP), kojeg finansira Američka agencija za međunarodni razvoj / USAID. CSSP projekat jača kompetencije, uticaj, profesionalizam i legitimitet organizacija civilnog društva (OCD) u BiH, kako bi postale istinski predstavnici zajednica koje zastupaju i ravnopravan partner upravljačkim strukturama, sa posebnim naglaskom na pregovaračke procese za priključenje EU. CPCD (u daljnjem tekstu: Ugovarač ili Organizator neformalnog obrazovanja), u skladu sa Zakonom o obrazovanju odraslih („Službene novine Kantona Sarajevo, broj 40/15“), Pravilnikom o formi i sadržaju javnih isprava i obrazovanju odraslih („Službene novine Kantona Sarajevo, broj 24/16“), Pravilnikom o postupku utvrđivanja uvjeta, sadržaju i načinu vođenja registra organizatora obrazovanja odraslih („Službene novine Kantona Sarajevo, broj 24/16), Pravilnikom o sadržaju i načinu vođenja i čuvanja andragoške dokumentacije i evidencije („Službene novine Kantona Sarajevo, broj 24/16), Pravilnikom o načinu organizovanja i provođenju ispita („Službene novine Kantona Sarajevo, broj 24/16), Odlukom o standardima i normativima za realizaciju programa obrazovanja odraslih („Službene novine Kantona Sarajevo, broj 32/16) i drugim relevantnim pravilnicima i podzakonskim aktima, raspisuje javni poziv za pružanje ekspertskih usluga za provođenje postupka programske akreditacije.

**Predmet usluge:**

Pružanje ekspertske usluge za izradu programske akreditacije. Kroz navedene opise radnih zadataka u Aneksu 1 u prilogu ovog zahtjeva, od eksperta se očekuje da isporuči metodologiju i detaljni plan izrade programske akreditacije.

**Neophodne tehničke karakteristike:**

Opis tražene usluge se nalazi u Aneksu 1 u prilogu ovog zahtjeva.

**Jezički zahtjevi:**

Razmjene informacija vezanih za ponudu između ponuđača i ugovarača komuniciraju se na jednom od službenih jezika u BiH.

**Komunikacija sa ugovaračem:**

Sve informacije u vezi sa pružanjem usluge, zahtjevi za pojašnjenje i druge informacije, ponuđači mogu dobiti isključivo od kontakt osobe, u protivnom drugi način korespodencije ugovarač neće smatrati valjanim. Razmjene informacija između ugovarača i ponuđača trebaju se odvijati u pisanoj formi, putem e-maila: [aleksandra.crnogorac@cpcd.ba](mailto:aleksandra.crnogorac@cpcd.ba). Pitanja se mogu slati do 23.08.2017. do 17:00h. Odgovori na sva pitanja pristigla do datog roka će se dostaviti najkasnije do 25.08.2017. do 17:00h.

**Priprema ponude:**

Ponude se podnose u zatvorenoj koverti po sistemu dvije koverti:

- Prva koverta treba da sadrži tehničku ponudu prema tehničkoj specifikaciji i na formularu koji se dostavlja u prilogu ovog poziva (Aneks 1) sa sljedećim naznakama koje trebaju da stoje na koverti:
  - Naziv ponuđača
  - Tekst: „ Tehnička ponuda: US 003/17-006“
  
- Druga koverta treba da sadrži finansijsku ponudu (Aneks 2) sa sljedećim naznakama koje trebaju da stoje na koverti:
  - Naziv ponuđača
  - Tekst „ Finansijska ponuda: US 003/17-006“

Obje koverti (ponude) se dostavljaju zajedno u jednoj koverti na adresu i na način naznačen u sekciji „Način dostavljanja ponude“. Ponuđači su obavezni da pripreme ponudu u skladu sa uslovima za dostavljanje. Ponude koje nisu u skladu sa uslovima, biće odbačene kao neprihvatljive.

Ponuđači snose sve troškove nastale u toku pripreme i dostavljanja ponude. Ugovarač ne snosi nikakve troškove u postupku nabavke. Ponuda mora sadržavati datum, potpis i pečat ovlaštenog lica ponuđača i kontakt informacije. Ponuđači su dužni dostaviti cijenu ponude u skladu sa svim karakteristikama ponude. U slučaju da ponuđač ne odgovori ovom zahtjevu, njegova ponuda će biti odbačena.

U roku za podnošenje ponuda, ponuđač može da izmijeni, dopuni ili povuče ponudu. Ponuđač podnosi izmjenu, dopunu ili povlačenje ponude sa naznakom jedne od opcija: „izmjena/dopuna/povlačenje ponude br. US 003/17-006“.

#### **Period važenja ponude:**

Ponude moraju da važe 60 dana, računajući od dana zatvaranja poziva za ponude.

#### **Finansijska ponuda:**

Finansijska ponuda se dostavlja na obrascu u Aneksu 2.

Cijena ponude se piše brojevima i slovima, a izražava u konvertibilnim markama (KM). U cijenu ponude uračunati su svi troškovi predmeta ponude. Cijene se iskazuju bez PDV-a, i zbirnom kolonom u kojoj se nalazi ukupna. Ukoliko ponuđač nudi popust, potrebno je da ga navede. Ukoliko ponuđač ne iskaže popust na način da je posebno iskazan u obrascu za cijene, smatraće se da ga nije ni ponudio.

U slučaju neslaganja iznosa upisanih brojčano i slovima, prednost se daje iznosu upisanom slovima. Ugovarač ne može imati nikakve dodatne troškove, osim onih koji su navedeni u ovom obrascu.

#### **Uslovi za kvalifikaciju ponuđača:**

Prijaviti se mogu pravna i fizička lica sa područja Bosne i Hercegovine.

- Ponuđač treba dostaviti dokaz o relevantnom iskustvu na sličnim ili istim zadacima u formi preporuke ili autorskog djela. Uz aplikaciju, poželjno je dostaviti listu sličnih ili relevantnih zadataka;
- Najmanje (5) pet godina iskustva u izradi programske i/ili institucionalne akreditacije ustanova koje se bave neformalnim obrazovanjem, kao i visokoškolskih ustanova;
- Poznavanje procesa programske i/ili institucionalne akreditacije;
- Odlično poznavanje Zakona o obrazovanju odraslih Kantona Sarajevo, Odluke o standardima i normativima za realizaciju programa obrazovanja odraslih, odgovarajućih pravilnika i ostalih relevantnih zakonodavnih okvira za akreditaciju programa;
- Odlično poznavanje obrazovnog sistema u BiH, te obrazovnog sistema u Kantonu Sarajevo;
- Poželjno je učešće u radnim grupama za izradu Zakona o obrazovanju odraslih Kantona Sarajevo.

Ugovarač će odbiti ponudu, ukoliko je ponuđač, koji je dostavio ponudu, dao ili namjerava dati poklon nekom od uposlenika kod ugovarača, u vidu novčanog iznosa ili nekom drugom obliku, u pokušaju da

izvrši uticaj na sam tok postupka nabavke. U slučaju da ponuda, koju ugovarač primi u toku postupka nabavke, prouzrokuje ili može prouzrokovati sukob interesa, u skladu sa važećim propisima o sukobu interesa u Bosni i Hercegovini, ugovarač će postupati u skladu sa propisima.

**Rok za donošenje odluke o izboru ponuđača:**

Ugovarač će donijeti odluku o izboru najpovoljnijeg ponuđača u roku od 7 (sedam) dana od roka za podnošenje ponuda.

Ugovarač će izabranog ponuđača obavijestiti o prihvatanju ponude najkasnije u roku od 10 (deset) dana. U istom periodu biće obaviješteni i svi ostali ponuđači u postupku nabavke, čija ponuda nije prihvaćena.

**Rok, načini i uslovi plaćanja izabranom ponuđaču:**

Plaćanje se vrši 15 dana nakon pružene usluge. Rokovi plaćanja mogu biti i drugačije definisani između ponuđača i naručioca. Ovim pozivom nije predviđeno avansno plaćanje.

1. Ukoliko je odabrani ponuđač pravno lice, plaćanje će se izvršiti u roku iz stava 1. od dostavljanja fakture za realizovanu uslugu, na žiro račun ponuđača, koji je dostavljen u ponudi.
2. Ukoliko je odabrani ponuđač fizičko lice, po njegovom odabiru i obavijesti o izboru, sa uspješnim ponuđačem će se potpisati ugovor o autorskom djelu, a plaćanje će se izvršiti u roku iz stava 1, na lični transakcijski račun koji bude naveden u finansijskoj ponudi.

**Kriterij za odabir najbolje ponude:**

Ugovarač će donijeti odluku o najuspješnijoj ponudi na osnovu:

1. ekspertize i iskustva ponuđača, i
2. najboljeg ponuđenog kvaliteta usluge za ponuđenu cijenu.

**Način dostavljanja ponude:**

Ponude se dostavljaju na adresu Centar za promociju civilnog društva, Gradačaćka bb, 71 000 Sarajevo, poštom ili ličnom dostavom u jednoj zatvorenoj koverti na kojoj treba da piše:

- Naziv ponuđača;
- Tekst „ Ponuda br. US 003/17-006 – ne otvarati prije početka razmatranja ponuda“.

Krajnji rok za dostavljanje je **28.08.2017. godine do 12:00h.**